



REPUBLIKA E SHQIPËRISË  
AUTORITETI I KONKURENCËS  
KOMISIONI I KONKURENCËS

VENDIM

Nr. 808, Datë 10.06.2021

“Mbi autorizimin e përqendrimit të realizuar nëpërmjet përfutimit të kontrollit mbi shoqërinë SPV, nga shoqëria Bimal d.d. Brčko.”

Komisioni i Konkurrencës me pjesëmarrjen e:

Znj. Juliana LATIFI	Kryetar
Znj. Leida MATJA	Zv/Kryetar
Z. Eduard YPI	Anëtar
Znj. Adriana BERBERI	Anëtar
Z. Denar BIBA	Anëtar

Në mbledhjen e tij të datës 10.06.2021, shqyrtoi çështjen me:

**Objekti:** Autorizimi i përqendrimit të realizuar nëpërmjet përfutimit të kontrollit mbi shoqërinë SPV, nga shoqëria Bimal d.d. Brčko.

**Baza Ligjore:** Nenet 2, 10-12, neni 24, germa d, dhe nenet 53-64 të ligjit nr. 9121, datë 28.07.2003 “Për mbrojtjen e konkurrencës”, i ndryshuar; Rregullorja “Për zbatimin e procedurave të përqendrimit të ndërmarrjeve”; Udhëzimi “Për formën e njoftimit të përqendrimit” dhe Formulari i njoftimit të përqendrimit.

**Komisioni i Konkurrencës**, pas shqyrtimit të relacionit të Sekretarit të Përgjithshëm si dhe raportit të Drejtorisë së Analizës dhe Metodologjisë së Tregjeve, mbi njoftimin e përqendrimit të realizuar nëpërmjet përfutimit të kontrollit mbi shoqërinë SPV, nga shoqëria Bimal d.d. Brčko.

VËREN SE :

**Transaksioni dhe procedura**

Pranë Autoritetit të Konkurrencës, është depozituar njoftimi mbi përfutimit të kontrollit mbi shoqërinë SPV nga shoqëria Bimal d.d. Brčko. Sipas “Marrëveshjes për shprehje interesi/Memorandum Mirëkuptimi”, palët janë:

**Pala blerëse: Bimal d.d. Brčko** është një shoqëri aksionare, e themeluar sipas legjislacionit të Bosnjë Hercegovinës, me objekt veprimtarie prodhimin e vajrave dhe yndrave, etj.

**Bimal Agri d.o.o** është një shoqëri me përgjegjësi të kufizuar, e themeluar sipas legjislacionit të Bosnjë Hercegovinës, me objekt aktiviteti tregtinë me shumicë të drithërave, duhanit të papërpunuar, farave dhe ushqimeve për kafshë.

Në tregun shqiptar, grupi Bimal, realizon të ardhura në mënyrë të tërthortë nëpërmjet shoqërisë Agrana-Studen Albania SHPK, e cila ka objekt aktiviteti tregtimin me shumicë të sheqerit dhe prodhimeve të tjera ushqimore, si dhe veprimtari të tjera që kanë lidhje me tregtimin me shumicë/pakicë, distribucionin, logjistikën etj.

**Pala shitëse: Eraković d.o.o** është një shoqëri me përgjegjësi të kufizuar, e themeluar sipas legjislacionit të Serbisë, me objekt aktiviteti tregtinë me shumicë të drithërave, duhanit të papërpunuar, farave dhe ushqimeve të gatshme për kafshët shtëpiake.

Shoqëria Eraković d.o.o nuk ka shoqëri të regjistruara në tregun shqiptar dhe nuk gjeneron të ardhura në Shqipëri.

**SPV** (SPV-Bimal Agri / shoqëria e qëllimit) është filiali, i krijuar për qëllime të veçanta, nga shoqëria Eraković d.o.o, me kontribut 100% të kapitalit themeltar në formën e kompleksit të pasurive të paluajtshme të fabrikës së foragjereve.

Më datë 29 prill 2021, shoqëritë Eraković d.o.o, Bee Logistika 021 doo Becej, Bimal d.d. Brčko, Veselina Erakovića, Bimal Agri d.o.o. Becej dhe Extra Farm doo Srbobran, kanë nënshkruar “Marrëveshje për shprehje interesi/Memorandum Mirëkuptimi”.

Qëllimi dhe objekti i këtij Memorandumi është krijimi i një filiali të shoqërisë Eraković d.o.o me emrin e ushtrimit të aktivitetit SPV. Pas krijimit, shoqëria Bimal d.d. Brčko, do të blejë 66.67% në SPV dhe Z.Veselin Eraković do të jetë zotërues i 33.33% të shoqërisë.

Palët në Marrëveshje bien dakort që, pas përfundimit të blerjes, do të realizohet bashkimit me përthithje të SPV me shoqërinë Bimal Agria dhe pas përfundimit të fazave të përshkruara më lart, raporti i pronësisë së aksioneve në Bimal Agri do të jetë 84.06% pjesë në zotërim të Bimal d.d. Brčko dhe 15.94% pjesë në zotërim të Z.Veselin Eraković..

Referuar dokumentacionit të depozituar, transaksion i njoftuar plotëson kriteret e përcaktuara në nenin 10 dhe 12, të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar dhe si i tillë kërkohet autorizimi nga Komisioni i Konkurrencës.

### **Vlerësimi i konkurrencës**

Sipas nenit 3, pika 7, të ligjit Nr. 9121, datë 28.07.2003 “Për mbrojtjen e konkurrencës”, i ndryshuar, si edhe Udhëzimit Nr.76, datë 07.04.2008 “Për përcaktimin e tregut përkatës”, treg përkatës i produktit u konsiderua tregu i prodhimit të ushqimeve të gatshme për kafshët shtëpiake por duke qenë se transaksioni nuk do të ketë asnjë ndikim në tregun shqiptar si edhe duke iu referuar praktikave të Komisionit Evropian në çështje të ngjashme, tregu përkatës i produktit do të lihet i hapur. Treg përkatës gjeografik u konsiderua territori i Republikës së Shqipërisë.

Transaksioni i propozuar është përfundimi i kontrollit mbi shoqërinë SPV/shoqërinë e qëllimit, nga shoqëria Bimal d.d.. Brčko.

Në Shqipëri, grupi Bimal është prezente në mënyrë indirekte nëpërmjet shoqëria Agrana-Studen Albania e cila vepron në tregtimin me shumicë të sheqerit dhe prodhimeve të tjera ushqimore. SPV (shoqëria e qëllimit) dhe Eraković d.o.o. nuk janë prezente dhe nuk realizojnë të ardhura në Shqipëri. Asnjë nga palët nuk është aktive në Shqipëri në tregun e prodhimit të

ushqimeve të gatshme për kafshë shtëpiake.

Përqendrimi nuk do të krijojë mbivendosje ose marrëdhënie të rrjedhës së sipërme apo të poshtme midis aktiviteteve të palëve në nivel kombëtar dhe për këto arsye, transaksioni i synuar nuk do të sjellë asnjë ndryshim dhe nuk do të ketë asnjë ndikim në tregun shqiptar.

#### **PËR KËTO ARSYE:**

Komisioni i Konkurrencës, në bazë të nenit 24, shkronja d dhe nenit 56 pika 1 të ligjit nr. 9121, datë 28.07.2003 “Për mbrojtjen e konkurrencës”, i ndryshuar,

#### **VENDOSI:**

1. Të autorizojë përqendrimin e realizuar nëpërmjet përftimit të kontrollit mbi shoqërinë SPV, nga shoqëria Bimal d.d. Brčko.
2. Ngarkohet Sekretari i Përgjithshëm për njoftimin e palëve dhe dërgimin e vendimit pasi të bëhen pagesat që parashikon rregullorja “Për caktimin e shpenzimeve për ndjekjen e procedurave pranë Autoritetit të Konkurrencës”.

Ky vendim hyn në fuqi menjëherë.

**KOMISIONI I KONKURRENCËS**